



Služba za društvene djelatnosti i poslove mjesnih zajednica

Broj: 07-sl./19
Ilijaš, 15.10.2019.godine

**STRUČNA SLUŽBA OPĆINSKOG VIJEĆA I
OPĆINSKOG NAČELNIKA**

**ODGOVORI NA VIJEĆNIČKA PITANJA I INICIJATIVE
SA 34. SJEDNICE OPĆINSKOG VIJEĆA ILIJAŠ
održane 30.09.2019.godine**

Ilijaš, oktobar 2019.godine



MIRZA BEKTIĆ – vijećnik SDA

Inicijative:

2. Pokrećem inicijativu prema nadležnoj Službi, za uređenje prilaznog puta i dvorišta OŠ "Podlugovi" područna škola u Ljubničima i ograđivanje istog. Nakon više kontakata sa roditeljima djece koja pohađaju ovu područnu školu, mnogi od njih su se žalili na neuslovnost i nemogućnost održavanja časova Tjelesnog odgoja zbog nedostatka fiskulturne sale. Časovi Tjelesnog odgoja se održavaju samo kad je lijepo vrijeme i održavaju se u dvorištu ispred škole, a dvorište je u katastrofalnom stanju. Trebalo bi isto asfaltirati kao i zagrađiti. Drugi problem sa kojim se učenici, roditelji i nastavno osoblje susreću je neadekvatan prilaz školi.

Obrazloženje: Prilikom izvođenja nastave Tjelesnog odgoja često dolazi do povređivanja učenika u dvorištu ispred škole zbog loših uslova i dotrajale podloge. Nakon sanacionih radova potoka koji protiče uz školu građevinska firma je neadekvatno riješila prilaz. Cijev koja služi za odvod vode ostala je veoma visoka i danas je barijera adekvatnom prilazu.

Odgovor:

Prihvata se inicijativa vijećnika.

U Budžetu Općine Ilijaš za 2020.godinu potrebno je planirati i obezbijediti sredstva za realizaciju ove inicijative.

MUHAMED HANDŽIĆ – samostalni vijećnik

Inicijative:

1. Pokrećem inicijativu da se za narednu godinu u Budžetu općine Ilijaš planiraju sredstva za subvencioniranje namjenskih kredita za mlade u svrhu rješavanja njihovog stambenog pitanja.

Obrazloženje: Naime, svjedoci smo stanja u kojem se nalazi cijela društvena zajednica, a posebno mlađe osobe koje svoju budućnost ne vide u ovoj zemlji. S tim u vezi, većina općina u Kantonu Sarajevo pokrenula je projekat pomoći toj kategoriji ljudi na način da im se za kredite kod komercijalnih banaka otplaćuje kamatna stopa iz općinskih Budžeta, kako bi oni riješili svoje stambeno pitanje u ovoj zemlji.

Odgovor:

Služba za društvene djelatnosti i poslove mjesnih zajednica u čijoj nadležnosti su i pitanja mladih, želi podržati svaku inicijativu, u skladu sa raspoloživim mogućnostima, koja će popraviti položaj mladih ljudi u zajednici i smatra potrebnim da se ovakav vid podrške rješavanju stambenog pitanja mladih pokuša pozicionirati u Budžetu općine Ilijaš.

Prema istraživanjima Službe za društvene djelatnosti i poslove mjesnih zajednica Općine Ilijaš na području Kantona Sarajevo samo jedna općina realizuje Program sufinansiranja troškova stambenih kredita za mlade osobe koje prvi put rješavaju svoje stambeno pitanje. Radi se o Općini Novi Grad Sarajevo, koja za ovu namjenu iz općinskog budžeta izdvaja 150.000,00 KM. Budući da općina Ilijaš još uvijek nije stekla uslove za obezbijeđenje budžetske stavke za ovakvu vrstu programa, mlade osobe sa područja općine Ilijaš, a koje nisu riješile stambeno pitanje, imaju priliku koristiti programe Ministarstva za prostorno uređenje, građenje i zaštitu okoliša Kantona Sarajevo, koje svake godine objavi Javni poziv za subvencioniranje stambenog pitanja mladih u pojedinačnom iznosu od 10.000,00 KM. Pored navednog, mladi sa područja općine Ilijaš imaju priliku ostvariti kredit u svrhu kupovine stana u Union banci po povoljnijim uvjetima, s obzirom na to da je Vlada FBiH i ove godine odobrila kredit ovoj banci za rješavanje stambenog pitanja mladih u Federaciji

u iznosu od 15 miliona KM. Ova sredstva utvrđena su budžetom Federacije za 2019. godinu te se zahtjev za kredit može podnijeti tokom cijele godine.

ANEL BUMBULOVIĆ – vijećnik SDA

Inicijative:

1. Pokrećem inicijativu prema Zavodu za javno zdravstvo Kantona Sarajevo da se na području općine Ilijaš omogući uzimanje i slanje mikrobiološkog humanog materijala pod nadzorom stručne osobe iz Higijensko-epidemiološkog tima sa područja općine Ilijaš (Uposlenika Zavoda za javno zdravstvo).

Obrazloženje: Poznato je da stanovništvo općine Ilijaš mikrobiološke analize obavlja u prostorijama Zavoda za javno zdravstvo na lokalitetu Ilidža i Stari Grad, na lokalitetima koji se nalaze 25-30 km udaljene od općine Ilijaš. Ova udaljenost iziskuje dodatne materijalne troškove za naše stanovništvo, te nerijetko dolazi do kontaminacije istih materijala prilikom transporta. Mnogobrojni građani nisu u mogućnosti da putuju do tih lokaliteta (stariji i bolesni). S obzirom na gore navedeno, bilo bi potrebno na lokalitetu u Ilijašu organizovati uzimanje humanog materijala za mikrobiološke pretrage, te transport istog vozilom i pod stručnim nadzorom osoblja Zavoda za javno zdravstvo, bar tri puta u sedmici.

Odgovor:

Vijećnička inicijativa upućena je JU "Zavod za javno zdravstvo Kantona Sarajevo". Do dana pripreme materijala za 35.sjednicu Općinskog vijeća nismo dobili odgovor. Po dostavljanju odgovora isti će biti prezentiran Općinskom vijeću Ilijaš.

2. Pokrećem inicijativu prema Upravi Zavoda za zaštitu žena i materinstva Kantona Sarajevo da se na lokalitetu ove ustanove u Ilijašu organizuje redovna dijagnostička pretraga UZV dojki za žene.

S obzirom na broj stanovništva, smatram da postoji osnov za pokretanje ovakve dijagnostičke pretrage na ovom lokalitetu u obimu koji je predviđen standarima i normativima.

Obrazloženje: Općina Ilijaš je u prethodnom periodu obezbjedila sredstva i obavila nabavku modernog UZV aparata za potrebe dispanzera za zaštitu žena i materinstva. Nabavljeni aparat, pored sonde za ginekološki pregled, posjeduje i sondu za UZV pregled dojki. Podsjećam vas da nabavka te sonda iziskuje dodatna finansijska sredstva koja je općina Ilijaš već obezbjedila.

S obzirom na gore navedeno i s obzirom da u Ustanovi već postoji aparat za takvu vrstu dijagnostike, potrebno je da se bar jednom sedmično, ukoliko je to moguće, na toj lokaciji omogući dolazak lekara koji je stručno osposobljen za izvođenje takve vrste dijagnostike i na taj način motiviše ciljane populacija na preventivne preglede radi ranog otkrivanja karcinoma dojke, kako bi se dobili što bolji rezultati liječenja i ishoda navedenog oboljenja.

Odgovor:

Vijećnička inicijativa upućena je 03.10.2019.godine JU "Zavod za zdravstvenu zaštitu žena i materinstva Kantona Sarajevo", od kojeg je dana 14.10.2019.godine zaprimljen akt broj:10-2039-01/19 od 10.10.2019.godine, koji vam dostavljamo u prilogu.



JAVNA USTANOVA
ZAVOD ZA ZDRAVSTVENU ZAŠTITU
ŽENA I MATERINSTVA
KANTONA SARAJEVO

INSTITUTION FOR HEALTH
PROTECTION OF WOMEN
AND MOTHERHOOD
CANTON SARAJEVO

Broj: 10 - 2039 -01/19
Sarajevo, 10.10.2019. godine

Primijeno		14. 10. 2019
Grp. jedinice		Broj prijema
OK		

OPĆINA ILIJAŠ

N/R Gđa. Sanja Zagorec – Jozić, pomoćnik načelnika

PREDMET: Dostava vijećničkih pitanja i inicijativa – odgovor dostavlja se

Dana 09.10.2019.godine, zaprimljen je Vaš dopis broj 07-37-SI/19 od 03.10.2019.godine, vezano za inicijativu Anela dr. Bumbulovića, vijećnika SDA, sa 34. Sjednice OV Ilijaš.

Obavještavamo Vas da će se u narednom periodu razmotriti inicijativa Anela dr. Bumbulovića, kojom se traži da se na Lokalitetu ove Ustanove organizuje redovna dijagnostička pretraga UZV dojki za žene, te utvrditi način i vrijeme pružanja zdravstvene usluge UZV dojki na Lokalitetu Ilijaš, o čemu ćemo Vas blagovremeno informisati.

S poštovanjem,

DIREKTOR
Prim.mr.sc.dr. Muhar Kurtović

Dostaviti:

- Naslovu
- a/a